

Նոյն պահուն, 45—50 հոգի էլ, գլխաւորապէս քաղաքացիներ, հաւաքեցին Շուշիում, կազմեցին առանձին համագումար և ընդունեցին Սուլթանովի պահանջը՝ Ղարաբաղը ճանաչել Ադրբէյջանի մաս:

Երկու համագումարների բանաձևերը ներկայացւեցին Սուլթանովին, որը, ի հարկէ, մնաց ղեզոհ և սկսեց պատրաստել աւելի վճռական քայլերի: Մարտի սկզբից Շուշիի երթեկը առնւեց հսկողութեան տակ: Մարտ 4-ին հայկական թաղում տեղաւորեցին ադրբէյջանցի սպաներ: Մարտ 5-ին ցուցակագրեցին Շուշիի հայ սպաները: Բազուից հասան նոր զորամասեր: Մարտ 7-ին Շուշի եկաւ ադրբէյջանեան բանակի ղեկավար պրինց Մահմէդը: Մարտ 7-ին դէպի Պանաժախ տանող ճանապարհի վրա սպանեցին 5—6 հայեր: Մարտ 10-ին Եւլախ-Շուշի խճուղու վրա սպանեցին 10 հայեր: Մարտ 10-ից Շուշի բերեցին 150 հաշի-սամլուեցի քիւրդեր: Նոյն օրը Սուլթանովը հրամայեց գաւառի բոլոր հայ ոստիկանապետներին իրենց ձիաւորներով, մարտ 23-ին, բայրամի օրը, ներկայանալ իրեն քաղաքում: Նոյն ժամանակ, Սուլթանովը գրաւոր հրաման ուղարկեց Մուսուլմանլարի կայազօրի պետին, թէ՛ «հոգի երեսից մաքրել Պժարերդ, Տումի և Հին Թաղլար գիւղերը»:

Այս և նման դէպքերը կասկած չէին թողնում հայերի մէջ, որ Ադրբէյջանը որոշել է հրով ու սրով ընկճել Ղարաբաղը: Եւ որոշեցին կանխել, իրենք նախադարձակ լինել. մարտ 22 լոյս 23-ի գիշերը Ղարաբաղում ծագեց ընդհանուր ապստամբութիւն Ադրբէյջանի դէմ: Ասկերանի կիրճի գրաւումով Շուշիում և Պանքենդում մնացած թուրք զորամասերը կտրւեցին արտաքին աշխարհից: Արիւնտ կռիւներ տեղի ունեցան Պանքենդում, ուր սպանեցին ապստամբների հրամանատարներ Ալեքսան-Դալին, սպայ Լալայեանը և ուրիշներ: Շուշին մատնեց թուրք խուժանի և զօրքի յարձակման. հայ բնակչութեան մեծ մասը փախաւ, իսկ մօտ 3—4000 հոգի մնաց թուրքերի ձեռքը և բանտարկւեց. կանայք ենթարկւեցին դանդաժային բռնաբարութեան: Առաջնորդ Վահան եպ. գլխատեց, և գլուխը պտտցնում էին քաղաքի փողոցներում:

Մարտ 26-ից Ադրբէյջանի զօրքերը ամէն կողմից սկսեցին հակայարձակման: Մի քանի օր կատաղի կռիւներ տեղի ունեցան Ասկերանում: Ապր. 3-ին, ադրբէյջանեան բանակը, 8 թնդանօթով ու բազմաթիւ գնդացիներով անցաւ գրոհի Ասկերանի, Պաչէնի և Վարանդայի ուղղութեամբ: Օրհասական ճակատամարտում հերոսի մահով սպանեց Ասկերանի ճակատի հրամանատար Դալի Ղազարը: Թուրքերը ճեղքեցին հայկական շղթան և ամէն ինչ աւերելով՝ ապր. 4-ին մտան Շուշի ու կոտորեցին քաղաքում մնացած հայերին: Հայկական տների մեծ մասը աւարի տրւեց ու հրդեհւեց: Հայկական Շուշին նստաւ մոխիրների վրա:

Դէպքերը ցոյց տւին, որ ապստամբութիւնը կազմակերպւած էր անփորձ մարդկանց ձեռքով: Հետեւանքները կարող էին լինել շատ աւելի աղէտաւոր, եթէ ապր. 13-ին Ղարաբաղ չհասնէր Գրօն իր էկսպեդիցիոն